

Kiteenna pan Lim'te



SABBATH NITAAK

Tu Kaalsung Simding: *Pian. 2:23–25; Eph. 5:29–32; Ezek. 16:4–14; Mang. 18:1–4; Pian. 24:1–4; Mang. 19:1–9.*

Kamngah: Tua ciangin vantung mi in keima kiangah, “Hih thu gelhin: Tuuno’ zineihna pawiah a kisam mite a hampa mahmah ahi hi,” hong cikhhit ciangin, “Hihte pen Pasion’ gen taktak kammal ahi hi,” hong cithuah lai hi. (*Mangmuhna 19:9, ZIV*)

Lai Siangtho pen, Pasion in Amite a hotkhiat na’ng le a itna tangthu vangliante tawh kidim phitphet hi. A kinai pen in kithuahna pen kiteenna hi-a, Pasion’ deihna bangin zang hileng, Ama’ hong it thuk kitheihlawh ding a, eimah le Amah kizopna, Ama’ hong tatkhiait nopna a liatna cihte kisinna sang hipah ding hi.

Khangthakte in itna a muhdan uh ah kitenna in, Pasion in honghilh nop kiteenna kamciam sang theilo dingin lungsim hoi sak ci uhhi. Mihing’ mawhna in kiteenna nakpi takin usia hi taleh, kiteenna limlim pen thumaan pulaakna, genkhohlhna thute pulaak nading ahoihpen ahi hi. Kiteenna in eimah hong lungdam sak bek hilo, eima’ pumpi omzia le Pasion tawh kizopna thuk takin kisinna sang hiding hi.

Tu kaal sungin kiteenna vai asia apha Pasion’ kammal in a genna tuamtuamte sinding hihang. Hih thute panin Pasion in Amite mawhnei pipi mah koi bangin kizom a, hun nunung thupiang dingte sungah Ama’ hong itna bang om cih sinding hi hang.

*April 19, Sabbath ading kiginkholhna in tukaal lesson sim in.

Sa Khat

Lai Siangtho mun tawmno khat ah Pasion in mihing le Amah kizopna pen kiteenna sang in thupi sakzaw hi. Hih gentehna pen Mangmuhna laibu sungah tam phadiak a-Pasion in hibang kammal a zat manin Lai Siangtho sangnaupangte in telthei zaw deuh thei ding uhhi.

Simin, Pian. 2:23–25 le Eph. 5:29–32. Mihing kiteenna in Khazih le mihing kizopna koi bangin lim' honglakthei hiam?

Khatvei Zeisu in Phariseete tungah thugen a, Piansil sunga Adam le Eve kiteenna thu a genkhak leh, Phariseete in dotna khat dongpah lian a, “Banghang in Moses in mi khatpeuh maak na lai gelhsak in a zi masak thei hiam?” (*Matt. 19:7*) ci uhhi.

Moses pen amau minam ading kamsang khat hi ci-in kisang hi. Kiteenna thukhun bawlpa pen kiteenna vai mahah Ama' kamsangpa tawh kisu sak cih ngaihsun dih in. Zeisu a vanaih dan uh pilvaang lua mahmah a: Zeisu' thuhilhna peuhmah Lai Siangtho tawh a kitukalh ding vive zong uhhi.

Khantawn cihtak kiteenna pen, mihing' piansil panin Pasion hong phuhsak ahi hi. A puk mihing in kamsiatna lianpi tawh Pasion piak tua letsong kisia sak uhhi. Lai Siangtho in kiteenna pen thupi sak mahmah hinapi, tua kawmkal mahah langdona thuak kinken hi. Sabbath tawh a kitonkhawm in, kiteenna zong Eden huan panin hong kipiakhia hi-a, a nihgel mah un, piansaksa khempeuh tawh kinai takin kizop nadingin Pasion ngiimna ahihi.

Kiteenna pen, a cingtaaklo minih kigawm hi-a, kitel'khialhna omthei den ding hi. Pawlpi le Khazih kiteenna ahihleh a cingtaak Honpa le a cingtaak vetlo monu kiteenna ahi hi. Bangbang hitaleh, kiteenna hoih tungpan in Pasion hong itna kisin thei hi.

Kiteenna a ding thukhun thum om hi. *Amasa*, nagual maisak in, amah bangzah ta' in kilawm kei taleh; Khazih in zong a kilawm lopi ei hong maisak hi. *Anihna*, a mawhna khempeuh tawh nagual sang in, Khazih in zong eima mawhna khempeuh tawh hong sangzo hi. *Athumna*, Khazih in Ama' mai ah eite' hong koih mah bangin nangma' mai-ah nagual koih in.

Lungdamnathu a kibilphuh hih thukhun thum tengin, Pasion le eite' kizopna bek thamlo kiteenna nangawn koi bang in hong telcian sakthei hiam?

Melhoih Monu

Ezekiel 16 sungah Pasion in Amite a khualna lamdang takin hong lak hi. Israel mite pen aki nusiicip naungek, gamlak ah asi dingin a kikoih tawh genteh hi. Amah'n tua naungeknu ciahpih in, siansuah a, hong nungak ciangin tenpih cihi. Hihthu pen a kilawm vetlo kitenna limpua ahi hi.

Simin, Ezekiel 16:4–14. Hih monu a lap sangna tangthu in, ei mah Pasion in hong khualna bangteng hong theisak hiam?

Pasion in Ama' khoina nuaiah tuanu “mel hoihkhialua” (*Ezek. 16:13*) cihi. Pasion in amah amuhcil lai in, tuanu' hoihna kuamah'n muhsaklo a; naupang dangte lakah zong nialnam hi in, a silel dingin kipampaih cihi. Hi mahleh, Pasion in Ama' khual na tuiluan ahiah manin, tuanu hoih semsem in, leitung buppi in gen' cimlo uh cihi. Hebrew kumpi masa lam, David le Solomon te tuabang linlian ahi hi. Ethiopia Kumpinu nangawn in Israel' hoihna en dingin khual hong zin liang hi.

Israel' hoihna khempeuh Pasion piakkhong ahi hi. Amah hoih mahmah – minamte in gen cimlo – tuanu Pasion' monu ahi hi. Pasion in tuanu' hoihna pen “paubaang hetlo dingin nang kong bawl hi” (*Ezek. 16:14*) cihi.

Hih thukhun Lai Siangtho in suut niloh hi. Pasion' monu a melhoih theihna in ama' kipuah siamna tawh hilo, Pasion in Ama' hehpihna luangsuk sak in tuanu puahpha hi. Tua mahbang in, thu ummite peuhmah vantung muhna ah melhoih uh a, amau kipuah siamna tawh hilo, Pasion' maipha ngah uh a, hotkhiatna hong luansuk sak man ahi hi. Ama' dikna “*Pasion' dikna*” (*2 Kor. 5:21*) mahmah in hong khuh ahiah manin, eite' melhoih kitang kha hi.

Banghun ciang hiam khat dong, hoih kicing: “Na mel hoihna leh na minthanna asia lamin zangin, na tuah peuhpeuh luppah ding zolna in na zang hi” (*Ezek. 16:15*) cihi. Pasion hoihna leh minthanna lengsak dingin eite hong piansak ahi hi. Pasion' piansak sate in amau' hoihna pen amau' aamah sa uh ahiah manun, amau' hoihna mankiam a, haksatna in ngak uhhi.

“Eima' hoihna” muan khakna a lauhuaina bang teng hithei ding hiam? Eima' sunglam pualam ah Pasion hong itna tawh kilawm theihna khatpeuh a omkha hiam cih koici ngaihsut ding hiam? Khalam kiphatsakna pan koibang in kidawm thei ding ihi hiam?

A Zualzang Hosea' Zi

Pasian in a nasem teng lakpan in Hosea pen a lamdang pen pen in ngetna khat nei a: numei zualzang tenpih ding – ngiimna tawh sawl hi. Mihing' mawhna le langdona a natzia i telpih theihna dingin Hosea zang hi. Pasian in itna tawh zi khat nateel, Israel hi a, tuanu in Ama' luzaang lamphei tawn hi taleh, Amah in tuanu lakik teitei hi.

Simkaakin, Hosea 1:2; 3:1; Mang. 17:1, 2; le Mang. 18:1–4.
Himun ah bangpaktatna thugen hiam? Khristiante in Hosea' tangthu panin bang pilna ngahthei ding i hiam? Lai Siangtho Lui sunga bang mawhna teng pawlpi in bawlkik hiam?

Lai Siangtho in, Lai Siangtho Lui sunga mawhna tengmah Khazih' Lai Siangthothak pawlpi in bawlkik ding cihi. Pasian' kamciam mite in, hawlkhiat a thuakmaa un phengtat uh a, a veng gamte' milim Pasian' kamciam minamte lakah tun uhhi. Zalom lina acil lamin, Khristian pawlpi pen, hihthei lel kisakna tawh, Rome kumpipa, Constantine heel uh in, pawlpi kitoknawi buaina teng vengsak ding cial uhhi. Buaina khatpeuh om ciangin, Pasian tawh "siansuahna" bawlllo zaw uh a, thu khempeuh ah amau' kipawlpa pualam paipih uhhi.

Pasian in eima' khialhna hong lahkha ding bek hilo, tua khialhna hangin Amah'n bangzah khasia cih hong theihsak na'ng kammalte teel hi. Zi in a khem khatpeuh in a theih ding thu khat, Khazih tungah ei' gitnat lohna le kisiatna in vantung zumpi toknawi zothei cih theih kul hi. Hosea' tangthu sungah a tumdang penpen khat zong pen a zi' vakthap atun nana ah tankik doidoi denkeei hi.

Babylon pan paikhia dingin Pasian' mite a nunung pen hong sap ciangin, midang leenglate hilo, Ama' mite bekma samding hi. Pasian in amaute telcian mahmah in it hi. Leitung in zong asia pen dinmun dong hong tun ciangin, Ama' sisan tawh a tat khatna sisan mah minsuang in tankik zel dingin hong zol den hi. Topa in a vakthap Amite hong tankik den nuam cihthu hong lakthei ding Khazih' singlamteh lobuang bangmah dang omlo hi.

Tuni in pawlpi khatpeuh eima pawlpi mah ahi phial zongin khalam phengtat ahih theihna thu khatpeuh a omthei kha diam?

Isaac le Rebekah

Abraham a teklam ciangin, ama' suanlekhkhak tawh kisai Pasion' kamciam phawk pha in (*Pian. 15:5*), a muanpen leh khangham pen a nasempa mawhpauk pia hi.

Simin, *Pian. 24:1–4*. A tapa in “*Canaan numeite*” a tenpih lelloh ding Abraham ading banghang in thupi thei hiam (*Pian. 24:3*)?

Abraham in minamdang a deihlohna zongpen khalam thu hi a, minam vai hilo; Pasion' vai hi a, leitung vai hilo hi. Canaan mite' biak pasiante gen vetloh in, a minam limlim kisia in phengtat ahih manun, tuate tawh kiteng peuhmah leh a tapa tuate' ngeina sungah a pukkhak ding lau hi.

Tanglai Israel' tangthu leh khang tawntung Khristian pawlpi tangthu zong Pasion' mite tangthu pumkhat hi a – leitung ah teci pang ding mite – leitung in upna maanlo leh biakna maanlo tawh mancip hi. Nitawp dong a dingtang sitset ding Lai Siangtho ni sagih Sabbath mun ah, dawibiakna ni Sunday tawh a laih gawp mahmah zong a dahhuai mahmah thu khat hipah hi.

Simin, *Piancil 24:57–67*. Hih tangthu sunga Khazih leh Ama' pawlpi tungtawn in bang pilna peuh a kila thei tam maw? Isaac kiangpan in gamlapi a om tanau Rebekah tungtawn in, a puksa eima a dingin bang ngaihsut huai thu om ding hiam?

Eite in hong ama' limmel suun in hong Piangsakpa tawh aki tanau ihi hi. Mawhna hangin Ama' kiangpan iki gamlat hangin, Ama' monu mahin hong sim veve a, tua kawmkal mahin eima deihteelna dungzui in tua kitenna zong tui kilok bangin logkawp thei zel lai hihang.

Eite'n Pasion i itna zah sangin a tamzaw Amah in hong it hi. Pasion tungah eima itna thakhauhsak theihna dingin nisim in ihih theih ding bangteng om hiam?

Numei Paktat Tungah Thukhenna

Simin, Mangmuhna 19:1–9. Pawi namnih kikham hi: Zualzang Nu beina le, Khazih le a monu kiteenna ahi hi. Tua thupiang tegel in Pasion dikna thumanna hong itna tawh nasepna lahkhiatna koici bangin hi tonkhawm thei hiam?

Ki cihtak lohna in ana mahmah thuakna hong tun hi. A nung thupiangte in tate leh midang tungah zong tung hi. A lungduai penpen nupa te'n zong kileh kikna omlo cih hong thei uh a, a beisa amau' kitenna ki tankik thei nawnlo hi. Innkuan khat in a kisikkik thei nawnlo dingin amau lungsim uh a khauh bekbak dinmun hong tun ciangin, tangthu zopsuak ding hithei nawnlo a, mawhna sungah ciangtan omlo in thuak ding hita hi. Supna tungah lungsim kitapna omphial taleh, leitung khuahun zui in a thuakte ading ahihleh, tuateng khempeuh a tawpna ah tua leitung pen Pasion' geelna omsa bangin ki bawlpna thak kik ding hi. Hih hun ciangin Pasion kiangpan paikhiatna om nawnlo ding hi. Tuateng khempeuh i kisin dikdeka hi a, Pasion kiangpan gamlatna hangin i kisiat dikdeka thu ah Pasion in thutang mahmah hi.

Simin, Mangmuhna 21:1–4. Hitak ah kiteenna in bang khiatna nei a, banghang in lam-etna le kamciam tawh kidim hiam? Hiteng in a pulaak thute panin bang lam-etna kician kinei thei hiam?

“Kiteenna, Khantawn kikhawlhna in, Khazih le Ama' pawlpi kipumkhatna limpua ahi hi. Khazih in a pawlpi tungah a piak kha pen pasal le zi in zong khatlehkhat a kipiak ding uh kha mah ahi hi”—Ellen G. White, *Testimonies for the Church*, vol. 7, p. 46.

Mihing in Khazih nial in, Amah a itna dinguh nangawn zong pasiante tungah pia ahih manun, Khazih in ngaihsut zawhloh in thuaksia hi. Tuabang pipi mahin, ei a ding Amah hong kipia a, eima' cihtak lohna leh nulehpa mawhna teng hong liau sak dikdek in; tuate nusia in kisik hileng, tawntung nuntak ding kamciam neisa ihi hi.

1 Peter 1:18, 19 simin. Hih munin Mangmuhna 21:1-4 sunga hunbei ciang ading lungmuanna hongpiaksa bangteng gen hiam?

Ngaihsutbeh Ding: John 2:1–11; Matt. 22:1–14; 2 Kor. 11:1–5
le Matt. 25:1–13 simin.

Lai Siangtho kantel leeng genkholhna hong telcian saktuam cih natheih ciangin, kizang khengval kha pahpah thei hi. Zalom tampi sungah Khristiante in Lai Siangtho sunga om limpuate le limte limtak a etcian uh ciangun, khangluite' tangthu phuahtawm bangin ngaihsun uhhi. Lai Siangtho sungah a khatna khat khit khat kimu ding a, ciapteh ding thu khat ah, Pasion in thupiangu taktak a dingin, mihing mah zangin, tuate tungtawn in mailam ah Ama' pawlpi tawh a kizop nading hong hihhna ahi hi.

Canam mopawi en leng, genkholhna sunga kiteenna limpuate hong musak hi, tua mopawi pen a om taktak ahi hi. "Khazih' kammal in mopawite kispna sangin a tamzaw vaihawm sak hi. Ama' hehpihna kicing takin hong luangsuk sakin, mihing' mawh na maisak, kha thak suah in kemcing hi"—*Desire of Ages*, p. 149.

A mundang ah: "Topa Pasion in Ama' nasem kamsangte tungah Ama' geelna theisak masa lopi in bangmah hih hetlo hi" Amos 3:7; Thusim khempeuh Topa aa hi-a, 'Hih thukham sunga omte i zuih theihna dingin hong lahkha a, i suanlekhakte zuih tawn tung ding ahi hi' (*Thuhilhikna* 29:29). Pasion in hih thute eite hongpia khin a, Lai Siangtho genkholh nate zahtakna le thungetna tawh a sim mite peuhmah Topa' thupha in tonpih ding hi"—*The Desire of Ages*, p. 234.

Kikupding Dotnate:

① John 2:1–11 simin. John' sungah Khazih' mailam nasep ding limlahkholhna tampi om a, letkhia mite in laisim khempeuh pen Singlamteh lam hong zuatpih cih mu uhhi. Hih tangthu sungah Khazih' gamtatna le Ama' kumpigam tawh kisai koitak ah namu hiam? Hotkhiat na'ng ngiimna ahi a, alian mopawi ahi zongin, Pasion in A Tapa sungah hong kamciamna bang honghilh hiam?

② Nungak sawm gentehna pen sang naupang khempeuh in theipha uhhi. A thupi hih tangthu in hun nunung thupiangu ding bang hong hihkhol hiam Mopi'pa ziakai cih theitek hang? Hihthu panin mimal sim in Khazih tawh i kizopna le Khazih in mimal tawh hong kizopna bang honghilh hiam?

③ Khristiante in pawlpua pan a ngah uh upna maanlote ngaihsun dih un. Lai Siangtho Sabbath tawh a kilangdo Sunday khit ah upna manlo dang bang omthei lai hiam? Koi bangin honglut uh a, tuate panin eimah kidal ciangbek hilo, midang te'n zong koi bangin thei sak ding ihi hiam?

Thawhbat Beelkhai Pi

Thupuak:- ANDREW MCCHESENEY

Bawng guuk thu tuah khit ciangin nupi'nu in bawng a lei'thak a cing dingin ui khat a khawi hi. Sehsuah ding-a khenkhiat thawhbat Beelkhai zong cing'sak hi. A pasal pen SDA pastor hi-in Sabbath atan' man-in thongkia hi. Bawngpi pen Tajikistan-a nupi nu le tano nihte ading-in a ankuang uh hi. Nupinu in bawngnawi suuk-in a-an neek ding-un vazuaq hi. Nawi zong sehsuah khen-in thawhbat-in bawl hi. Beelkhai a dim teh va zuak hi.

Ni khat teh nupinu zong bawngnawi va zuak sawm-a a tanote inn ngak sak hi. "Kong hong kei un maw" ci-in vaikhak hi. Ui tawh thawhbat bungte vil-in paikhia hi. Naupangte'n inn na ngak uh hi. Tualeh huang kong hong kihong-in Muslim puan silhpa khat ui om na lam hongpai hi. Ui in tawnglo hi. A mulo tawh kibang hi. Tua pa in thawhbat bungla-in pusuak kik hi. Tanote'n tua thupiangu a nu kiangkko uh hi. Bang thu bangla piangu hiam cih kua mah'n theilo hi.

Kum tampi hong kheng-a a Pa zong thong hongtuak ta hi. Amau nupa in tano nga nei beh uh hi. Tanu u pen Nina hi-a pasal nei-in ta zong nei hi. An kung a khang sak za bawl na ah zumkhan a phiat nasep ngah hi. Khasum thoh dingin sum kem nu kiang vapai hi. Ni khat, a kha sum a ngak kawm in thawhbat bung thu sumkemnu kiangu gen hi. Sumkemnu zong Nina in Muslimpa thu a genna na ngai hi. Sumkemnu zong "bang hun lai-in piangu ahia?" ci hi. Nina in zong gen hi. Sumkemnu zong "tua thu koici zop hiam cih na thei nuam hia?" ci hi. Sumkemnu in amah pen sanggam dang li tawh Siberia ah om uh ci hi. A pate galpi nihna sungah si uh in a pi uh tawh om uh ci hi. Hun pen haksa-in an a omloh ni hong tung hi. A pi-in amau unau nga teng bangmah kiluilo sabuai ah tu sak-in thu ngen hi. Thu nget a tawp ciang-in a kong uh ki kiu-a inn kong ah Muslim pa khat nading hi. A khut langkhat ah thawhbat bung khai-in a lang khat ah mohlum tawi hi.

Tua nasepna mun ah sumkemnu in Nina kiangu Pasian thu agen beh ding-in thuum hi. Hunte hongpai toto in sumkemnu le a tanu in Zeisu kiangu ki-ap in SDA pawlpi ah luut uh hi.

Tua mi lamdangpa thu tuni dong kithei zolo hi. Nina' tanu Liubov Brunton in bel vantung mi hi ci hi. "Vantung mi aa dingin Tajikistan pan Siberia ah thawhbat a puak nading second tawm no sung-in tung thei hi. Mohlum koipan ngah ahi tam. Thu piangu tel khit nading vantung tung nuam mahmah ta ing" ci hi.

Khen I: A Huamin Etna

Thubulphuh: *Mangmuhna 19:9*

Lungngaih Ding: *Pian. 2:18–23; Ezek. 16:3–32.*

Piansakna thu kigelh dan ah kiteen'na pen khen sagih na ah hong dawka, Pian 2:21-24 Sabbath tawh dawkhawm hi, Pian. 2:1-3 a ni sagihna ah dawkh. Nambat kikimna in thupitna lak hi. Pasion le mihing kizop dan pen siangtho kiteen'na lam pan-in tel kul hi.

Kiteen'na tawh gentehna pen Israelte Egypt gam pan paikhiatna a kalsuanna sim ah gen behbeh hi. Hazaatna pen nupa kaal cihtak lohna tawh kizom den-a thukham sawm ah om hi (*Pai 20:5; Gam 25:1, Thkna. 4:23,24 te tawh saikaak in*). Pasion le amite kikaal kiciamna pen kiteen'na lam tawh telding thu hong hi hi. Pasion in amite “it hi” (*Thkna. 7:8*). Israel te'n zong Pasion “a it” kul hi (*Thkna. 6:5*). Hebrew kammal *yada*, “thei” cih pen zi le pasal kikaal bek ii om khopdan gen na hi-a (*Pian. 4:1; Pian. 19:8*) Pasion le amite kikaal kizop dan lahna-in kizang hi (*Late 16:11; Jer. 2:2, 3; Eze. 16:3-32*).

Tua thute huhau in-ah nupa a kawkkammalte i tel'zawknading-in Lai Siangtho gen nupa kizopdan thu kanhuai hi.

Khen II: Hilhciaanna

Amasa in-ah Pianscil bu sung-a Adam le Eve, Isaac le Rebekah kop nihte' honglak Lai Siangtho deih kiteen'na thu en ni. Tua nung ah nupa hihna thu mailam bang kawkhiam cih en ni- amal in ah “numei kizuak” le “monu” gentehna ah Pasion le mawhnei mite kizopna ah daupai le daupai zawhlohnate en ding hi hang.

Adam le Eve

Lai Siangtho sungah kiteen'na pen mihing apian ni mah-in Eden huan ah kipan hi (*Pian. 1:26,27; Pian. 2:18, 20-23*). Pianscil bu pen tang'pek pan-a humop laibu hi-in kiteen'na ziate om ahiah man-in i thukan na-ah zattaak cing hi.

“*Pasion lim bangin*” (*Pian. 1:27*). Pasion in mihing nupate a pian'sak na ah verb na' aseh cih plural a zat “bawl ni” (*Pian. 1:26*) pen Pasion Tothumte omzia hong lak hi. Pasion in “alim bangin” (*Pian. 1:27*) abawl man-in Adam le Eve te'n Pasion omzia mah alah kul peelmawh hi. Hih takah nu le pa omkhop dan tothum sungah om hi ci-a laak ding hilo hi. To thumte ki-it in kilung tuak mah bang un

numei le pasal kikaal ah itna le lungtuahna omkul cihna hi (*Pian. 2:24; John 15:9, 12, 17; Eph. 4:1-6*).

“*Amah tawh kituak ahuh theih ding khat*” (*Pian. 2:18*). Ezer, “ahuh” cih kammal pen Pasion’ hotkhiat nasep kawknah hi (*Pian. 18:4; Late 33:20*). *Kenegdo* “amah tawh kituak” pen “paakta” “(ke) le “dinpih” (*nedgo*) cihna hi. Nupa kop pen ki “paakta” ki “din’pih” ding cihna hi.

Piansak hunlai-in nupa kikaal kithuk siamna pen mawhna luut khitteh zong Pasion le a mite kiciamna ah kizang suak hi (*Sol. 6:3; Pian. 3:16; Eph. 5:21-28 te tawh saikaak in*).

Isaac le Rebekah

Isaac le Rebekah kiteen’na thu Piancil 24 ah om hi. Amau tang thu ah Pasion om hi cih lesson om hi. Hih Lai Siangtho mun ah Topa (YHWH) pen apau’ ngeiloh hangin 17 vei dawkh hi. Hih tangthu ah adawkh kammal pen “pai” (*halak*) hi-in 17 vei mah dawkh-in sagih vei pen Rebekah tawh kisai hi. Pasion’ sawlna mang-a Abraham zin khiat kipatna zong ‘pai’ cih kammal hang hi (*Pian. 12:1,4*). Rebekah zong Abraham’ zom hong suak hi. Hih Lai Siangtho mun-ah thu om pen kiteen’na cih pen Pasion’ omna, hotkhiatna om na cihna hi. Tua ahih man-in Isaac le Rebekah kiteen’na ah Pasion in a mite tawh kiciamna abawlina thu hong tel sak hi.

“*Kiciamna ah Pasion in pan masa hi.*” Abraham in a sila pa Eliezer sawl-in mo a zonsak mah bang-in Pasion in zong amite’ kiang neh masa hi. Ahi zongin kiciamna ah monu, zawh thawh thu zanglo hi. Eliezer in zong monu tungah suahtakna pia hi, a nung hong zuilo thei hi. “Numeinu in hih gam ah kei hong zui nuamlo kha thei ding hi” (*Pian. 24:5*).

Monu’ thukikna. Rebekah in azuih ding lung ka lo in “elek, ka zui ding hi” ci hi (*Pian. 24:58*), hihin *halak* (pai) cih kammal Rebekah thu ah dawkh nu mun’na hi. Rebekah pen thu kuppih cih pen amau ngeina zui-in ah a lamdang thu hi. Numei pen pasal a neih nading thu ah thugen ding-in kilam-enlo hi. Ama tungtang ah bel zuih ding, zuih loh ding pen ama khut sungah om hi. Tua ban ah Rebekah dawn’na pen Abraham dawn’dan tawh kibang lian hi. Abraham in Mesopotamia gam a nusiati lai-in *wayyelek*, “paikhia” (*Pian. 24:63*) cih kammal kigelh hi. Rebekah zong Abraham’ zia mah nung zuih hi.

Thungetna dawl. Eliezer in a zinkhiatna lawhcin' nading (*Pian. 24:12*), Rebekah in tui apiak ding (*Pian. 24:14*) thu ngen hi. A thungetna zui-in Rebekah in tui na pia hi (*Pian. 24:18*). Isaac in zong Rebekah tawh ki hona ah lawhcin nading thu an ngen hi (*Pian. 24:63*). Tua khith teh Rebekah in Isaac hong mu hi (*Pian. 24:64*).

Itna dawl. Lai Siangtho in Isaac in Rebekah a teen'pih khith teh it hi ci hi (*Pian. 24:67*). Itna ah cihtakna kihel hi-in tua pen "na-it na zi tawh anuam theithe in" om theih nading hi (*Thna. 9:9*). Hebru te'n itna alaakdan uh biakna ah zong huzaap hi. Itna kithuhna in Pasian le a mite ki kal kiciamna ah etteh hong suak hi (*Hos. 2:2; Hos. 3:1*). "Itna" pen thuciam lui sung-a kiciamna bawlna ah bul mahmah hi (*Thna. 7:9*). Tua ahiah man in Pasian in mite'n Amah a it ding-in a cialteh tawm vei sung huihlak ah lungsim a leeng dan ding a agen nuam hilo hi. Pasian ih itna ah nuntaakna kham in ki-ap ding thu kihel hi.

Numei kizuak le monu

Kithuh diamdiam na in kamsang te huzaap hi. Pasian' mite in Pasian tungah citak lo-in pasian dangte nung azuih uh ciangin amau pen numei kizuak tawh kigenteh hi, kiteen'na aman hita kici hi. Alang khat pan in-ah Pasian' mite Pasian tungah a cihtak uh ciangin kiteen'na pen pawl ki khaam in Israel/pawlpil pen meelhoih monu tawh kibang hi ci hi.

Numei kizuak. Hosea bu sungah kithuh diam diamna limciin'na in kha le taksa thu kaww khawm hi. Pasian in Hosea kiangah "numei thaangtat khat" teen'pih sak hi. "... Banghang hiam cihleh hih gam in TOPA taisan in a thaangtat mahmah hi" (*Hos. 1:2*). Hih kammal te taksa le kha thu anih-a tak san' ding kisam hi. Hih nu pen 'mite' ngaih a pasal a hilo' khat hi in Pasian' it Israel te'n pasian dangte kiang a kihei mah bang-in lawm pheng ngaih hi" (*Hos. 3:1*). Tua ahiah manin tua hun-a Canaan gam ah a teeng khat hi ci gamtat pen kizuak-a a nungta taktak khat hi maww hi. Tua hi-a Israelte in kamsang khat in a kizuak khat teen'pih hi cih amuh uh ciangin amau le amau pen Pasian' teen'pih a kizuakte ci-in kiguang thei uh hi.

Pasian' zi. Ezekiel bu sungah, numei/zi pen Pasian' mite' lim ciing in hoih toto ci hi. Pasian in amah a pi laitak in niin-in meel sia hi (*Eze. 16:3*). Pasian ah mah puah in hong hoih mahmah hi (*Eze. 16:13*), Pasian nasiatna limciing-a, Pasian in numei tungah a piak hi (*Eze. 16:14*). "Hebru kammal *me'od me'od*, "mahmah" pen Ezekial

sungah numei' mawhna kawkna-in kizangh-a mawhna pen "lian lua mahmah" ci hi (*Eze. 9:9*). Pasion in a hoih "mahmah" ding-a abawl pen hong sia "mahmah" mawk hi.

Numei kizuak le monu. Kilaakna bu in kamsang dangte tawh ki hual tak-in numei pen namnih-in na gen hi. "a pasal aa dingin ki zemsa a om mothak nu" (*Mang. 21:2*) pen Pasion in "Jerusalem thak" (*Mang. 21:3*) ah a om khoppih ding Pasion' mite' lim ciing hi. Alang lam ah "a paktat mahmah numei" pen aci tak lo pawlpi limciing-a "numei pasal mawhna tawh leitung a susia" hi (*Mang. 19:2*).

Khen III: Nuntakna-ah Zatpah Ding

Limciin'na in Khristian kalsuanna ah munthum sukhading hi: Pasion tawh i kizopdan, innkuanpih tawh, pawlpi tawh i kizopdante hi.

(1) Pasion tawh. Lim ciin'na in Pasion tawh hong bang ci zopsak hiam? Lim ciin'na in biakna lam ah koi ci phungphuh sak hiam? Tua in Pasion pen na thungetteh, biakinn ah na kikhop teh om sak pan ding hi lo cin-a mun khempeuh hun khempeuh ah om ding na phal ding lam hong koi ci hilh hiam? Kiteen'na in na ihmud ,nasem, thu ngaihsun, pau, lasa, an ne, kimawl, nui, na thuk, na kah, dong tuah lai tak in Pasion tawh kalsuan khop danding hong koi ci hilh hiam? Pasion nang tawh nai nasak, gamla nasak hunte khil in.

(2) Innkuanpih tawh. Innkuanpih na neih leh Lai Siangtho' deihdan ngaihsun in. Na innkuan pih nu/pa nop asak theih nading ngaihsun in. "na it na zi tawh a nuam theithei in om in" (*Thna. 9:9*). "Khazih na zahtakna uh hangin na thu uh na kimang tuak un." (*Eph. 5:21; Pian. 3:16 tawh saikaak in*). Pasion lim le meel na innkuanpih kiangah zong inla zahtaak bawl inla nang tawh a kilamdan'na en in (*Pian. 1:26*). Kilungtuah na pen kilamdanna thu ah koici lem thei a hiam (*Pian. 2:24*)?

(3) Pawlpi ah. Pawlpi le Pasion kizopdan kikum un. Pasion' itna le thutan'na pawlpi tungah bangci zang thei ding ahiam? Nang ahi zong, na pawlpi ahi zong na lawhcinna le lawhcin lohnate gual in.

Ciaptehding: